



Vischunaunca Lumnezia

| Palius 32D, CH-7144 Vella | +41 (0)81 920 60 00 | info@lumnezia.ch | www.lumnezia.ch |

---

PROTOCOL RADUNONZA COMMUNALA LUMNEZIA  
14 DA ZERCLADUR 2024

---

2024/02

14 DA ZERCLADUR 2024  
CANZLIA COMMUNALA, 7144 VELLA  
Palius 32D, 7144 Vella

## Tractandas

1.	Avertura .....	3
2.	Protocol dalla radunanza communal da dils 15 da mars 2024 (2024/01).....	3
3.	Rendaquen final da projects.....	4
	a) Sanaziun casa da scola Sutvitg, Vella .....	4
	b) Passapei e fermada da posta Valgronda el vischinadi da Cumbel.....	5
	c) Sanaziun dalla via Vitg Su, Morissen.....	6
4.	Sanaziun dalla via communal Dado Vitg, Degen .....	6
	a) Approbaziun dil project .....	6
	b) Concessiun dil credit da CHF 285'000.....	6
5.	Sanaziun dalla via da meglieraziun Sogn Gudegn - Chischagl (Vignogn - Degen) .....	7
	a) Approbaziun dil project .....	7
	b) Concessiun dil credit da CHF 990'000.....	7
6.	Sanaziun via d'uaul Zuord .....	8
	a) Concessiun dil credit supplementar da CHF 390'000 .....	8
7.	Sanaziun dalla Sentupada, Vignogn.....	9
	a) Approbaziun dil project .....	9
	b) Concessiun dil credit da CHF 630'000.....	9
8.	Varia .....	10

## Protocol dalla radunanza communalia Lumnezia (2024/02)

Datum: Venderdis, ils 14 da zercladur 2024  
 Liug: Halla plurivalenta dalla casa da scola Sutvitg 28E, 7144 Vella  
 Cuoz: 20:00 – 21:45 uras  
 Presents: 44 votantas e votants  
 Parsura: Daniel Solèr, president communal  
 Actuara: Selina Crivelli, actuara substituta

### Tractandas

#### 1. Avertura

Il president communal Daniel Solèr arva la radunanza communalia fagend beinvegni als presents ed engrazia ad els d'haver dau suatienscha agl invit.

Marcus Caduff, convischin da Morissen, ei vegnius elegius sco president dalla Regenza pigl onn 2025. Cun quella caschun gratulescha il president communal a Marcus Caduff en num dalla vischnaunca Lumnezia sin quell'elecziun.

En siu plaid d'avertura entra Daniel Solèr sin la tematica dil quen annual 2024. Il motiv daco ch'il quen annual 2024 ei buca sin tractanda per questa radunanza communalia ei oravontut il program d'applicaziun dalla fatschenta Axians Infoma Schweiz che vegg duvraus dall'administraziun communalia. Il program funcionescha buc ed il support dalla fatschenta ei munglus tochen buca existent. La partizun finanzas e persunal ha rimnau tut las problematicas en ina cronologia ed ils collaboraturs dalla partizun ha gia duvrau entochen il gi dad oz dapli che 1000 uras da laver per la midada da quei program. La suprastanza communalia ha decidiu d'extrar en cunvegnientscha vicendeivla ord quei contract da prestaziun cull'Axians Infoma Schweiz. Il giurist da vischnaunca, Gian Luca Peng, ei sedaus giu cun quella tematica ed actualmein spetga la vischnaunca sil resun dalla fatschenta.

Il president constatescha, che la radunanza communalia ei vegnida convocada ad uras conform allas determinaziuns digl artechel 44 ella constituziun dalla vischnaunca Lumnezia, aschia che la radunanza ei cumpetenta da prender conclus.

Seschau perstgisar han:

- Marcus Caduff, Morissen, cuseglier guvernativ
- Silvana Caviezel, Vella, canzlista communalia

La radunanza elegia dus dumbravuschs

- Luregn Antoni Projer, Vella
- Silvio Capeder, Cumbel

#### 2. Protocol dalla radunanza communalia dils 15 da mars 2024 (2024/01)

Il protocol dalla radunanza communalia dils 15 da mars 2024 ei staus exponius naven dils 28 da mars 2024 ella canzlia communalia e sillia pagina d'internet dalla vischnaunca, pia duront silmeins 30 dis.

Tenor art. 34 constituziun vegg il protocol dalla radunanza communalia exponius per investa dils votants sil pli tard in meins suenter la radunanza duront 30 dis en casa communalia e sillia pagina d'internet dalla vischnaunca cun corrispondenta publicaziun. Recuors ein d'inoltrar en secret duront quei temps dall'exposiziun alla suprastanza communalia. Ils recuors veggan tractai alla proxima radunanza communalia. Decisiva ei aschia la publicaziun sillia pagina d'internet dalla vischnaunca (cun corrispondenta publicaziun).

Il president communal Daniel Solèr constatescha, ch'igl ei buca vegg ioltrau recuors en secret aschia ch'il protocol dalla radunanza communalia dils 15 da mars 2024 (2024/01) vala sco approbaus tenor art. 34 dalla constituziun dalla vischnaunca Lumnezia.

### 3. Rendaquen final da projects

#### a) Sanaziun casa da scola Sutvitg, Vella

##### Introduzion

1) Ils 15 da zercladur 2018 ha la radunanza communal approbau il project e concediu il credit da CHF 350'000 per l'etappa I dalla sanaziun dalla casa da scola Sutvitg el vischinadi da Vella. Quei credit cumpegliava las suandontas lavurs, ch'ein vegnidas survigiladas entras igl inschignier Clemens Arpagaus, Clarplan GmbH, Sur Trutg 220, 7144 Vella.

- Lavurs preparatorias
- Plantschiu halla plurivalenta
- Access/scala principala
- Rampa scola nova-veglia/plan avon l'aula
- Plaz pausa
- Survigilonza

Il rendaquin da project per l'etappa I siara cun cuosts da CHF 356'718.15 e cun in surpassament da credit da CHF 6'718.15.

Il schef dil departament per planisaziun dil territori ed immobiglias, Primus Cavegn explica alla radunanza detagliadamein las lavurs ch'ein vegnidas exequidas.

- 2) Ils 09 da fevrer 2020 ha la cuminanza da vontants all'urna approbau il project concediu il credit da CHF 3'670'000 per l'etappa II. Quella part ei vegnida survigilada entras il biro da planisaziun Cavelti Derungs AG, Via Caplania 10, 7031 Laax.
- 3) Las lavurs ein vegnidas exequidas ed il rendaquin final sepresenta sco suonda:

Cuosts	calcul	effectiv
Lavurs da preparaziun	56'000.00	54'684.00
Impressari, lenn e tuttas lavurs vid il baghetg	3'031'090.00	3'167'936.25
Contuorn	40'000.00	1'005.60
Lubientschas e taxas, survigilonza	441'850.00	426'273.30
Reserva	29'230.00	1'217.00
Indrezs, interiur	28'185.00	0.00
Total	3'626'355.00	3'651.116.14

##### Entradas

CHF 29'557.65;	Pronovo AG, Contribuziun implot fotovoltaid (KLEIV) casa da scola Vella
CHF 100'000.00;	Schweizer Patenschaft für Berggemeinden, Contribuziun
CHF 64'500.00;	Amt für Energie und Verkehr GR, Contribuziun effizienza manti dil baghetg Sutvitg 28a sanaziun casa da scola Vella
CHF 52'050.00;	Amt für Energie und Verkehr GR, Contribuziun isolaziun termica Sutvitg 28a sanaziun casa da scola Vella
CHF 50'340.00;	Amt für Energie und Verkehr GR, Contribuziun effizienza manti dil baghetg Sutvitg 28a-a sanaziun casa da scola Vella
CHF 68'160.00;	Amt für Energie und Verkehr GR, Contribuziun isolaziun termica Sutvitg 28a-a sanaziun casa da scola Vella
CHF 2'379.00;	Gebäudeversicherung GR, Contribuziun indrez paracametg sanaziun casa da scola Vella
CHF 6'000.00;	Vischnaunca Lumnezia, Contribuziun isolaziun termica Sutvitg 28a-a sanaziun casa da scola Vella
CHF 6'000.00;	Vischnaunca Lumnezia, Contribuziun isolaziun termica Sutvitg 28a sanaziun casa da scola Vella

Il quen siara cun in total da CHF 3'651'116.14 ed in rest da credit da CHF 18'883.86.

### **Proposta**

- 1) La suprastonza communal propona alla radunanza d'approbar il rendaquer final per la sanaziun dalla casa da scola Sutvitg, Vella, etappa I cun cuosts totals da CHF 356'718.15 e cun in surpassament da credit da CHF 6'718.15.
- 2) La suprastonza communal propona alla radunanza d'approbar il rendaquer final per l'etappa II dalla sanaziun dalla casa da scola Sutvitg, Vella, etappa II cun in total da CHF 3'651'116.14 ed in rest da credit da CHF 18'883.86.

### **Conclus**

- 1) La radunanza communal decida cun gronda maioritad, senza cuntervuschs ed abstensiuns, d'approbar il rendaquer final per la sanaziun dalla casa da scola Sutvitg, Vella, etappa I cun cuosts totals da CHF 356'718.15 e cun in surpassament da credit da CHF 6'718.15.
- 2) La radunanza communal decida cun gronda maioritad, senza cuntervuschs ed abstensiuns, d'approbar il rendaquer final per l'etappa II dalla sanaziun dalla casa da scola Sutvitg, Vella, cun in total da CHF 3'651'116.14 ed in rest da credit da CHF 18'883.86.

## **b) Passapei e fermada da posta Valgronda el vischinadi da Cumbel**

### **Introduziun**

Ils 16 da mars 2018 ha la radunanza communal approbau il project e concediu il credit da CHF 402'000 per il passapei e la fermada da posta a Valgronda el vischinadi da Cumbel.

Las lavurs ein vegnidas exequidas ed il quen siara cun cuosts da project da CHF 277'090.60 ed ei vonza in rest da credit da CHF 124'909.40.

En detagl ein ils cuosts repartgi sco suonda:

<b>Lavurs passapei e fermada</b>	<b>Cuosts finals</b>
Lavurs d'inschignier	18'319.75
Lavurs d'impressari	162'065.30
Lavurs da cuvrida	66'831.85
Crappa e lavurs da sulada	9'711.75
Reit illuminaziun	2'864.35
Illuminaziun	3'029.50
Direcziun da construcziun	14'268.10
<b>Total</b>	<b>277'090.60</b>
<b>Subvenziuns</b>	
Fermada da posta	38'667.55
Plaz da sevolver bus da scola	4'987.65
Passapei	23'848.75
<b>Total</b>	<b>67'503.95</b>

### **Proposta**

La suprastonza communal propona alla radunanza d'approbar il rendaquer final per il passapei e la fermada da posta Valgronda cun in rest da credit da CHF 124'909.40.

## Conclus

La radunanza communală decida cun gronda maioritad, senza cunternuschs ed abstensiuns, d'approbar il rendaques final per il passapei e la fermada da posta Valgronda, Cumbel per mauns dalla radunanza communală cun in rest da credit da CHF 124'909.40.

### c) Sanaziun dalla via Vitg Su, Morissen

#### Introduzion

Ils 14 d'avrel 2023 ha la radunanza communală approbau il project e concediu il credit da CHF 380'000 per la cuvrida dalla via Vitg Su el vischinadi da Morissen.

Las lavurs ein vegnidas exequidas ed il rendaques final sepresenta sco suonda:

Lavurs	Credit
Lauvrs da devisaziun e survigilonza da lavur	10'708.25
Lauvrs da cuvrida	132'668.15
Lauvrs d'illuminaziun	17'415.95
Lauvrs d'impressari	126'287.15
Lauvrs installaziuns sanitaras	108'870.60
Lauvrs da geometer	19'076.85
Lubientscha	1'066.00
<b>Total</b>	<b>416'092.95</b>
Entradas (colligaziun privats e GVG)	25'226.65

#### Proposta

La suprastonza communală propona alla radunanza da conceder il credit supplementar da CHF 36'092.95 e d'approbar il rendaques final per las lavurs da cuvrida dalla via Vitg Su el vischinadi da Morissen cun in surpassament da credit da CHF 36'092.95.

#### Conclus

La radunanza communală decida cun gronda maioritad, senza cunternuschs ed abstensiuns, da conceder il credit supplementar da CHF 36'092.95 ed approbescha il rendaques final per las lavurs da cuvrida dalla via Vitg Su el vischinadi da Morissen cun in surpassament da credit da CHF 36'092.95.

## 4. Sanaziun dalla via communală Dado Vitg, Degen

### a) Approbaziun dil project

### b) Concessiun dil credit da CHF 285'000

Il schef dil departament per traffic, ovras publicas ed ambient, Nathan Solèr presenta il project alla radunanza communală.

1) La sanaziun dalla via Dado Vitg, Degen era vegnida preventivada il 2023 cun:

Conto 6150.5010.00, (INV00107); cuvrida	CHF	80'000
Conto 7101.5031.00, (INV00107); provediment d'aua	CHF	25'000
Conto 7201.5032.00, (INV00107); dismessa dall'aua piarsa	CHF	30'000
	CHF	135'000

La calculaziun da cuosts muntava il 2023 sebasond sin offertas a CHF 265'000

2) Ils motivs per la gronda differenza ein stai dad ina vart la carischia ed da l'autra vart la cumpart dalla canalisaziun ch'era buca stada previda da sanar.

- 3) Ils 15 da matg 2023 ha la suprastanza communalha decidiu da buca exequir igl onn 2023 las lavurs vid la via da Degen, Dado Vitg, damai ch'il preventiv vegni surpassaus massivamein ed ils mistergners hagien per motivs dalla biara lavur buca temps d'execuir il project.

- 4) La via ei vegnida preventivada aunc inaga il 2024 cun las suandontas summas.

Conto 6150.5010.00, (INV00107); cuvrira	CHF	200'000
Conto 7101.5031.00, (INV00107); provediment d'aua	CHF	40'000
Conto 7201.5032.00, (INV00107); dismessa dall'aua piarsa	<u>CHF</u>	<u>30'000</u>
Total	CHF	270'000

Ils cuosts sepresentan actualmein sco suonda

Lavurs	Cuosts
Impressari	132'000.00
Catram	81'000.00
Lavurs sanitaras	20'000.00
Illuminaziun	12'000.00
Planisaziun	7'000.00
Geometer	5'000.00
Divers/ Nunprevediu	28'000.00
<b>Total</b>	<b>285'000.00</b>

### Proposta

La suprastanza communalha propona alla radunanza communalha d'approbar il project per la sanaziun dalla via Dado Vitg, Degen e da conceder il credit da CHF 285'000.

### Conclus

La radunanza communalha decida cun gronda maioritad, senza cuntervuschs ed abstensiuns, d'approbar il project per la sanaziun dalla via Dado Vitg, Degen e da conceder il credit da CHF 285'000 incl. tpv.

## 5. Sanaziun dalla via da meglieraziun Sogn Gudegn - Chischagli (Vignogn - Degen)

### a) Approbaziun dil project

### b) Concessiun dil credit da CHF 990'000

#### Introducziun

El preventiv d'investiziuns 2024 ei reservada la summa da CHF 600'000 per la sanaziun dalla via da meglieraziun Vignogn – Degen (conto 8120.5010.00 INV00115 Via Sogn Gudegn – Chischagli (Vignogn/Degen)).

Il schef dil departament communal per agricultura, Martin Sgier declara alla radunanza communalha co ei vegn tier in augment dils cuosts.

Lavurs	Cuosts
Lavurs d'impressari	945'000.00
Sanaziun via	910'000.00
Bischel vit	35'000.00
Planisaziun	5'000.00
Survigilonza	9'000.00
Lavurs da geometer	10'000.00
Divers e nunprevediu	21'000.00
<b>Total</b>	<b>990'000.00</b>

### Repartiziun dils cuosts

Art. 10 Lescha da meglieraziun:	25% privat	CHF	247'500.00
	75% vischernaunca	CHF	742'500.00

Situaziun actuala finanziaziun meglieraziuns: 01.01.2023 CHF 1'255'417.00

### Discussiun/damondas

Luregn Antoni Projer da Vella damonda sch'ei seigi era previu da far pli lada la punt a Chischagl. Quella seigi relativamein stretga.

Tenor il schef dil departament communal per agricultura, Martin Sgier ei quei buca previu.

Erwin Capeder da Lumbrein less saver sche la via seigi suenter la sanaziun aviarta per tutt ni sch'ei vegni mess si ina tabla da scamond da carrar sco tier la via a Lumbrein.

Martin Sgier declara ch'il motiv che la via a Lumbrein hagi si in scamond da carrar seigi il cantun che hagi pretendiu quei sco cundizion per survegnir las subvenziuns. Tier la via a Degen seigi ei buca previu da metter si ina tabla da scamond da carrar, la via vegni denton era buca rumida igl unviern.

### Proposta

La suprastanza communal propona alla radunanza d'approbar il project cun extender il perimeter dalla via che vegn sanada tochen giu el vitg da Degen tier la via cantunala e da deliberar il credit CHF 990'000 incl. 8.1% tpv.

### Conclus

La radunanza communal decida cun gronda maioritad, senza cuntervuschs ed abstensiuns, d'approbar il project cun extender il perimeter dalla via che vegn sanada tochen giu el vitg da Degen tier la via cantunala e da deliberar il credit CHF 990'000 incl. 8.1% tpv.

## 6. Sanaziun via d'uaul Zuord

### a) Concessiun dil credit supplementar da CHF 390'000

#### Introducziun

Il president communal, ch'ei ad interim schef dil departament forestal declara alla radunanza communal daco ch'ei vegn tier in surpli da cuosts.

Uffeci d'uaul lai approbar il project sin basa dil calcul da cuosts (+/-10%, basa da prezis 2021) e suenter il consentiment dalla vischernaunca resp. dalla radunanza communal.

Calcul da cuosts versus devisaziun ed offertas impressari.

Credit supplementar (incl. tpv)	390'000.00
Quintau en dapli cuosts da reschia	27'500.00
Quintau en dapli cuosts per la cumpart installaziun	53'000.00
Quintau en dapli cuosts per l'installaziun dallas preits da larsas	74'500.00
Cuosts per remplazzar entgins canasters da lenna enunter la val	64'500.00
Quintau memia pauc cuosts per ils mirs da blocce	62'000.00
Cuosts per mesiras da protecziun enunter aua	23'500.00
Cuosts per material da fundaziun (ca. 350 m3)	85'000.00
<i>Total da quintar cun entradas tenor igl uffeci d'uaul (47%)</i>	<i>831'900.00</i>
<i>tier la summa totala da CHF 1'770'000</i>	<i>(648'600.00)</i>

### Proposta

La suprastanza communal propona alla radunanza da conceder per la sanaziun dalla via d'uaul Zuord in credit supplementar da CHF 390'000 incl. tpv.

## Conclus

La radunanza communală decida cun gronda maioritad, senza cuntervuschs ed abstensiuns, da conceder per la sanaziun dalla via d'uaul Zuord in credit supplementar da CHF 390'000, incl. 8.1% tpv.

### 7. Sanaziun dalla Sentupada, Vignogn

#### a) Approbaziun dil project

#### b) Concessiun dil credit da CHF 630'000

##### Introducziun

L'antieriura casa da scola a Vignogn ei veginida sanada il 2005 e nezegiada entuorn sco casa da vacanzas cun combras, dormitoris per gruppas, stanzas da setener si, cuschina e sala da magliar.

L'administratura dalla casa, Simona Meyer vegin pagada dalla Linsi Foundation, Dorfstrasse 51, 8712 Stäfa, che sustegn era auters projects dalla vischernaunca Lumnezia cun contribuziuns finanzialas.

La casa ei veginida els onns e basegna differentas remeduras, denter auter vid las finiastras, installaziuns electricas, radiaturs, cuschina e l'accustica ella sala da magliar.

Il schef dil departament per planisaziun dil territori ed immobiglias, Primus Cavegn explica detagliadamein alla radunanza co il project ei previus da veginir exequius.

Il biro d'architectura spacial design, Patrick Rothmund, Via Principala 67, 7166 Trun ei vegnius dumandaus d'inoltrar in calcul da cuosts per quellas lavurs. Quel secumpona sin basa d'offertas sco suonda.

Lavurs da preparaziun	CHF 12'000.00
Baghetg	CHF 424'000.00
Indrezs da menaschi	CHF 163'000.00
Cuosts da construcziun accessoris	CHF 6'000.00
Mobigliar, indrezs interiur	<u>CHF 25'000.00</u>
<b>Total</b>	<b>CHF 630'000.00</b>

##### Discussiun/damondas

Erwin Capeder da Lumbrein damonda sche quei seigi ponderau bein da buca era gest sanar las lingias sch'ins vesa gia ussa che quei fagess da basegns. El ei dil mein da pli bugen ussa investar dapli daners e far tut enina.

Il schef dil departament per planisaziun dil territori ed immobiglias, Primus Cavegn declara che la sanaziun seigi muort las occupaziuns quintada naven dils 20 d'october 2024 entochen ils 20 da december 2024. Tut quellas lavurs fussien buca pusseivlas da far en quels dus meins. Sanar tut las lingias d'aua fussi forsa schon pli prudent, quei muntassi denton ch'ins stuessi far quei da sura entochen sut. Giez fussi buca pusseivel en quei temps.

La sanaziun seigi previda en duas etappas, certas lavurs sappien veginir fatgas era sche la casa ei occupada, tuttina fussi quei buca realistic.

##### Proposta

La suprastanza communală propona alla radunanza d'approbar il project per la sanaziun dalla Sentupada Vignogn e da conceder il credit da CHF 630'000.00 incl. tpv.

##### Conclus

La radunanza communală decida cun gronda maioritad, senza cuntervuschs ed abstensiuns, d'approbar il project per la sanaziun dalla Sentupada Vignogn e da conceder il credit da CHF 630'000.00 incl. tpv.

## 8. Varia

### 1) Menziuns dil president communal, Daniel Solèr:

- Contract d'affittaziun Davos Munts e bar Canorta suertascret cun la fatschenta Noja GmbH (Gioni e Prisca Capaul) naven digl 01.05.2024 – 30.04.2029.
- Informaziun infrastructura da sport a Vella/Bual
  - Descripzion dallas duas parts da project per schar offerir
    - 1) Sanaziun ed engrondiment dil plaz da ballapei
    - 2) Niev baghetg / casa dil club
- Situaziun persunal communal
  - Finizun dalla lavur dil luvrer communal Leo Capaul fin avrel 2024.
  - Entschatta da lavur da Robert Lang (niev selvicultur) ils 17 da zercladur 2024.
  - Elegiu Anina Camenisch sco nova collaboratura ell'administraziun communal en pensum 100%. Entschatta 01. da fenadur 2024.
  - Elecziun Werner Tanno sco meinadistrict sendas da viandar Lumnezia e Sursaissa
- Adressaziun da baghetgs e vias [GeoGR \(mapplus.ch\)](#)
  - Finalisaziun dall'adressaziun suenter il pregiudicament e la davosa sesida dils 30.04.2024 cugl Uffeci d'agricultura e geoinformaziun (UAG).
  - Prender si mintgamai las entradas dils objects entras Pini, Livio Caduff.
  - Inoltrar ils documents agl UAG per examinaziun.
  - Consultaziun publica (communicaziun fegl ufficial e cantunal) tenor art. 22 lescha geoinformaziun.
  - Scriver als possessurs.
  - Seras d'informaziun e miez gi ch'il geometre stat a disposiziun per damondas.
  - Midada primavera/stad 2025
- Project deviaziun auas Uresa
  - Informaziun entras Yvo Bischofberger ils 27 da matg 2024. Il project dalla deviaziun auas Uresa sa buca vegnir entschiats il 2024. Igl Uffeci per natira ed ambient (UNA) pretenda in ulteriur concept per la protecziun dil terren. (Bodenschutzkonzept) e tut quei drova temps. Previu ei d'inoltrar il project la stad 2024 alla regenza dil cantun Grischun ed igl atun scriva ora las lavurs. Execuziun 2025-2026.
- Spitex Foppa;
  - Cunvegna da prestaziun 2025-2026
    - o Suprastanza Ilanz/Glion ha decidiu d'acceptar la nova cunvegna
    - o Parlament decida miez zercladur 2024
    - o La clav da repartiziun vegr buca midada.
  - Conrad Casanova termescha siu uffeci ella suprastanza dalla Spitex Foppa per la fin digl onn 2024. Cheutier encrin nus ina persuna ord la vischernaunca Lumnezia ch'ei promta da s'engaschar en quella suprastanza.
- Planisaziun locala
  - Retschiert entschatta avrel il rapport dil pregiudicament entras igl uffeci da planisaziun. Il giudicament ei en general positivs cun ina menziuns che la vischernaunca Lumnezia stoppi aunc reducir dapli las zonas da baghegar.
  - Pensums pigl avrel tochen atun 2024
    - o Surluvrar la planisaziun enteifer la cumissiun da planisaziun e suprastanza communal.
    - o Zonas da prighel ein vegnidias surluvradas entras igl uffeci d'uaul e prighels da natira e stattan a disposiziun tochen il schaner 2025. Talas zonas vegr previdas ella revisiun dalla planisaziun.
  - Silsuenter sa vegnir previu d'instradar la publicaziun da consultaziun.
  - Schaner/fevrer 2025; Occurenzas d'informaziun, publicaziun da consultaziun.

- Atun 2025; Approbaziun entras radunanza communal
- Deponia Porclas
  - 21 da mars 2024; Risposta suenter preexaminaziun tier il plan directiv economisazion da rumien Regiun Surselva.
  - 29 da matg 2024; Risposta dil cantun suenter la preexaminaziun dalla revisiun parziale.
- Elecziuns 2024 (perioda d'uffeci 2025-2028)
  - Presentaziun dil stan actual cun indicaziun dils termins tenor publicaziun el fegl ufficial.
- Project SIE sanaziun Via d'uaul la Ritta Tersnaus
  - Annunziau project agl uffeci d'uaul ils 07 da zercladur 2024 incl. calcul da cuosts.
  - Execuziun emprema etappa 2025.
  - Sclariment davart in butschin d'uaul per stizzar fiug tenor concept da prevenziun (UNA) 2030 el cass da barschaments d'uaul.
- Informaziun e documentaziun cun fotografias davart la schliata disciplina tier la dismessa da curdems verds ed il maldiever dils stabiliments communal.

2) Menziuns ord las retschas da votantas e votants:

- Kurt Soller da Vella ha in giavisch alla suprastanza communal. La vischerna sa ch'il terren lumnezian ruschna. Kurt Soller ei cunscients che tals projects da sanaziun cuozan ualit gitg tiel cantun. El giavischass denton dalla suprastanza communal da dumandar si il cantun sch'ei fuisse planisau p.ex. in tunnel ni da vegrir activs en caussa (studia da realisaziun) per saver pigliar si quellas ruschnadas.
- Daniel Solèr gi ch'el hagi gia discurriu sur da quei tema cul schef dil departament communal per agricultura, Martin Sgier ch'ei deputau dil cussogl grond a Cuera. Forsa drovi ei in scriver dalla vischerna.
- Ueli Caduff da Morissen ha in pign giavisch. En connex culla tractanda dil project Sentupada da Vignogn depona el il giavisch dad era far remeduras vid l'accustica dalla sala a Morissen. Tenor la suprastanza communal ei quei planisau da far.
- Guido Derungs dad Uors menziunescha ch'ei dat ina turbina giu Uors che duess producir energia. L'uaul cuori, la turbina seigi denton buca en funcziun.
- Il schef dil departament per planisaziun dil territori ed immobiglias, Primus Cavegn vegn proximamein cun quella tematica sin tractanda da suprastanza. Ei setracta da cuosts denter CHF 50'000 e CHF 70'000 per far in pilotadi. Eventulamein vegn fatg ordavon in pign provisori. La turbina producess entuorn 60 kilowatts per gi, quei dessi entradas da CHF 200.00 per gi.
- Curdin Derungs da Morissen damonda sch'ei eri buca previu in Pumppark a Cuschnaus, actualmein seigi leu plitost ina deponia da material.
- Daniel Solèr explichescha che quei material deponius leu seigi per quei Pumppark. La fatschenta ch'exequeschla las lavurs (Velosolution) drovi igl emprem la lubentscha da baghegiar, aschia ch'il Pumppark vegni exequius pér primavera ni stad 2025. La vischerna seigi actualmein vid sclarir da survegnir ina cunterofferta.

Ei vegn buca pli giavischau il plaid ed il president communal, Daniel Solèr siara la radunanza.

El engrazia a convischinas e convischins per la participaziun, pil sustegn e la confidanza demussada enviers la suprastanza communal.

7144 Vella, ils 14 da zercladur 2024

Il president:

L'actuara:

Daniel Solèr

Selina Crivelli